

Ҳабибуллоҳ қори финал босқичида иштирок ЭТДИ



21:16 / 30.08.2023 2016

Хабарингиз бор, Саудия Арабистони Подшоҳлиги Ислом ва даъват ишлари вазирлиги томонидан Қуръони Карим тиловати бўйича 43-халқаро мусобақаси айна дамда қизғин давом этмоқда.

Ушбу мусобақада жами 116 мамлакатдан 200 га яқин Қуръон ҳофизлари қатнашмоқда.

Мусобақа 5 йўналишдан иборат:

1. ҚИРОАТЛАР ЙЎНАЛИШИ

Бу йўналишда иштирокчилар Қуръони Каримни 7 қироатда ўқиш бўйича иштирок этадилар.

Мазкур йўналишда иштирокчига Қуръони Каримнинг 5 жойидан ёддан ўқиб бериш сўралади.

Иштирокчи ҳар бир саволга турли ривоятларда қироат қилиб, жавоб беради.

Сўнг иштирокчига қироат илмига доир 10 та савол берилади.

2. ҲИФЗ ВА ТАФСИР ЙЎНАЛИШИ

Ушбу йўналишда Қуръони Каримни тафсири билан ёд олган иштирокчилар беллашадилар.

Иштирокчидан Қуръони Каримнинг 5 ўрнидан ёддан ўқиб бериш сўралади.

Сўнг тафсирга доир 10 та савол берилади.

3. ҲИФЗ ЙЎНАЛИШИ

Бу йўналишда қатнашадиган қорилар Қуръони Каримни тўлиқ ёд олган бўлиши лозим.

Мазкур йўналишда иштирокчига Қуръони Каримни 5 жойидан ёддан ўқиб бериш сўралади.

4. 15 ПОРА ҲИФЗИ ЙЎНАЛИШИ

Ушбу йўналишда иштирокчига Қуръони Каримнинг 15 порасидан савол берилади.

Иштирокчига Қуръони Каримнинг 15 пораси бўйича 4 та савол берилади, иштирокчи уни ёддан ўқиб бериши лозим.

5. 5 ПОРА ҲИФЗИ ЙЎНАЛИШИ

Бу йўналишда қорилар Қуръони Каримнинг 5 порасини ёд олган бўлиши лозим.

Иштирокчиларга 5 пораси бўйича 3 ўридан савол берилади.

Мусобақа иштирокчилари мазкур йўналишларда беллашмоқдалар.

Маълумон учун:

Ҳабибуллоҳ қори мазкур мусобақанинг 3-йўналиши, яъни ҳифз йўналишида юртимиз шарафини ҳимоя қилмоқда. Ҳабибуллоҳ қори саралаш босқичидан муваффақиятли ўтиб, финал босқичида ҳам иштирок этди.





Манба: Ўзбекистон мусулмонлари идораси «Қуръон ва тажвидни ўргатиш» бўлими